

Bibel fa Kjinja

brinjt junt



Noah un de
groote
Äwaschwamunk



Jeschräwen von: Edward Hughes

Jemolt von: Byron Unger un Lazarus
Alastair Paterson

Toom Pauss jestalt von: M. Maillot un Tammy S.

Äwasat von: Ed Zacharias

Hääjestalt von: Bible for Children
www.M1914.org

©2020 Bible for Children, Inc.

Jesazlich: Du doascht dise Jeschicht oppnämen ooda drekjen,
soo lang aus du dee nich vekjafst.



Noah wia een Maun dee
Gott aunbäden deed. Aule
aundre hauden Hot fa Gott
un wieren am onjehuarsom.
Een Dach sad Gott waut sea
growet. "Ekj well de



schlajchte
Welt
vedoawen,"
sad Gott to

Noah.

"Bloos diene
Famielje woa
ekj raden."



Gott woarnd Noah daut doa eene groote
Äwaschwamunk komen wudd un de Ieed
bedakjen. Gott säd to Noah, "Bu een
grootet Schepp. Soo groot, daut
diene Tieren doa nenkjennen."

Gott säd krakjt woo hee daut
buen sull, un
Noah funk
aun to buen!



A cartoon-style illustration of Noah, an elderly man with a white beard and a blue robe, hammering a nail into the side of a large wooden Ark. He is looking up towards the sky. The Ark is made of light-colored wood and has a dark brown door. The background shows a clear blue sky.

De Lied woaren Noah
veleicht utjelacht
haben, aus hee säd
wuarom hee daut
Schepp
bud, oba

Noah
bud wieda.
Hee vetald de
Lied uk von Gott,
oba doa horchten
see nich no.





Noah haud eenen stoakjen
Gloowen. Hee jleewd
Gott, uk wan daut ea noch
nich jerääjent haud. Boot
wia daut Schepp reed fa
waut see metnämen
wullen.




Dan kjeemen de Tieren. Gott brocht säwen von
eenje, un twee von aundre. Groote un kjliene Vääjel,
kort-beenje un lank-beenje Tieren, fungen
dän Wajch no daut Schepp.



Veleicht haben de Lied Beleidjungen
no Noah jeschräajen, aus hee de
Tieren nenn neem. See hieeden nich
opp met äare Sinden jäajen Gott.
See fruagen nich no metfoaren
en daut Schepp.




Schliesslich wieren aule
Tieren un Vääjel oppem



Schepp. Dan
säd Gott to
Noah, "Komm
em Schepp!
Du un diene
Famielje." Noah,
siene Fru, siene dree
Säns un äare Frues
jinjen oppem Schepp.
Dan schloot Gott
de Dää too!





Dan funk daut aun
to rääjnen. Daut
plenjad Dach un
Nacht, fa 40 Doag.





De Darpa
un de Städa
veschwungen

unja Wota. Aus de Rääjen opphieed,
wieren soogoa de Boaj
unja Wota.

A colorful illustration of Noah and his wife inside a wooden Ark. Noah, with a long white beard and brown skin, is seated at the helm, looking out at the dark grey sea with white-capped waves. His wife, with yellow hair and a white face, sits beside him. The Ark has a brown door and a window showing the storm outside.

Aus daut Wota hecha kjeem,
schwomp daut Schepp fein.
Daut es doa veleicht diesta
bennen jewast, veleicht haft
daut jeschockelt, veleicht
enjsten de Lied sikj. Oba em
Schepp wieren Noah un de
aundre secha.



De Äwaschwamunk dieed fief Moonat,
dan schekjt Gott eenen drieejen Wint.
Met de Tiet sad sikj daut Schepp opp
eenen huagen Boajch en Ararat.
Noah bleef noch 40 Doag em

Schepp, aus
daut Wota
läaja un
läaja

jinkj.



Noah leet eene Krauj un eene Duw ute Fensta rut
fliessen. Wiels see kjeene reine drieeje Städ funk,
kjeem de Duw trigj no Noah.






Eene Wääkj lota leet
Noah wada de Duw rut.
Ditmol kjeem see trigj
met een Blaut von eenen
Oliewen Boom em Schnowel.
Noch eene Wääkj lota wist
Noah daut de Ieed drieech
wia, wiels de Duw
kjeem nich
trigj.



Gott säd Noah daut et Tiet wia ute Schepp
to gonen. Aulatoop brochten Noah un
siene Famielje de Tieren rut.





Noah mott sikj
sea jefreit
haben! Nu
bud hee eenen
Aultoa un bäd
Gott aun, dee am un
siene Famielje von de
groote Äwaschwamunk
jerat haud.



Gott muak Noah
een sea scheenet
Vespräakjen. Hee
wudd niemols wada
eene Äwaschwamunk
schekjen toom de

Lied äare Sind
strofen. Gott jeef
Noah een Tieekjen:
de Räajenboagen es
Gott sien Tieekjen
von daut Vespräakjen.



No de
Äwaschwamunk
muaken Noah un siene Famielje
eenen nieen Aunfank. Met
de Tiet jeef daut wada
Menschen äwa de gaunse
Welt. Lied von
aule



Lenda staumen
von Noah un siene Kjinja.



Noah un de groote Äwaschwamunk

Eene Jeschicht von en daut Wuat Gottes,
de Bibel

finjt eena en

1. Mose 6-10

"Wan dien Wuat openboat woat,
jeft daut Licht." Psalm 119:130





Daut Enj



Dise Biblische Jeschicht sajcht ons von onsen wundascheenen Gott, see ons jemoakt haft un ons well kjanenlieren.

Gott weet daut wie schlajchtet jedonen haben, waut hee Sind nant. De Strof fa Sind es de Doot, oba Gott siene Leew fa ons es soo groot, daut hee sienen eensjen Sän, Jesus, schekjt, daut hee aum Kjriez stoawen sull un de Strof fa onse Sind nämen sull. Dan stunt Jesus vom Doot opp, un fua no sien Tus em Himmel! Wan du dän Gloowen aun Jesus hast, un am frajchst diene Sind to vejäwen, dan deit hee daut! Hee kjemt dan un läft en die, un du woascht opp emma met am läwen.

Wan du dit jleewen kaust, dan saj to Gott:
Leewa Jesus, ekj jleew daut du Gott best, un worscht een Mensch toom fa onse Sind to stoawen, un daut du nu wada läfst. Komm en mien Läwen un vejeff mie miene Sinden, soo daut ekj nu nieet Läwen haben kaun, un noch emol opp emma no die kom. Halp mie daut ekj die jehuarsom sie, un fa die läw aus dien Kjint. Amen.

Lass de Bibel un räd jieda Dach met Gott! Joh. 3:16

